



ERNEST GUYONNET, SOUNEÛR DE LA ROCHE

Arnést Ghiounét naessit au Poerai su Velire, le 18 de novembre de 1872, é mourit a la Roche le 21 de fouvrae de 1935. L'aprnit la musique avéc in souneùr de violun. Ol ét a quatorze ans que le fasit sun prmàe çheùr, *Les Brises*; l'annàie d'enpràe le fasit ine valse, *Le Domino bleu*.

Pr gagnàe sa vie, le « muntit » a Paris, au cafai Procope que tenét le Vendéyén Georges Millandy, l'évét mandolinisce é le s'apelét Ernesto Guynetto ! Mé Arnést trovét la manque de sun péyis é le revénghit en Vendàie. A La Roche, voure le fasit le réjhent de musique au liçae pi a l'écoule normale, le muntit « l'Orphéon ». En 1902, *L'Océan* fut chantai pi sounai aus Sablles pr 120 chantours é musicours. Le fasit bé

daus chançons en françaes, lés musiques d'opéras coumiques queme *Mimi Pinson*, d'opéretes queme *Loin du Boul' Mich'*.

Arnést Ghiounét, qu'o séjhe en françaes, qu'o séjhe den le parlanjhe poetevin, oublit pa la Vendàie. De li, ol at daus *Chansons vendéennes* mé aussi daus *Chantuseries*, é pi maeme daus menelouges que l'apele *Rigourdaenes*. Çhés deùs roleas furant publais en 1943 pr le pouéte younaes Marcel Chabot. Mé dés 14-18, lés « poilus » daus 137^{ae} pi 93^{ae} réjhiments vendéyéns, chantant *Lés Aéroplanes* pi *Lés Automobiles*. Ol ét vantér bae *Le Traén de pllési* qu'ét la chançon la mae éparàie. Çhés chançons daus prmères annàies de la véntiaeme sécllàie s'amusan daus noveatais. Ol ét deùs mundes, deùs çhultures qui se fasant frunt. Le paesan rit pi se fét rire de li. Le menelouge dau *Vieù brjhàe*, li, ol ét pa pr rire. Paréll pr *La Chantuserie pr endormi lés petits draules* : i cré qu'ol ét le pu bea daus fétis de Ghiounét. Ol ét ine fàete de paroles é de léjhendes dau

péyis que le pouéte agroue entor dau petit draule. Daus derelos de maeme, o serét putout pr désendormir !

En pu daus chançons é daus menelouges, Ghiounét fasit daus roleas *Bals de Vendée*, avéc daus éscotiches, masurques, valeses, quadrilles, polcas : o se voet bae que çhés aers venant de la tradiciun daus souneùrs, lés prmàes màetres d'Arnést.

Micha



Den çhau limérot :

- Traen de pllési pr lés Sablles...2
- L'éctricitai...3
- Chantuserie pr endormi lés petits draules...4
- Chançon de la mariàie...5
- Lés Ramounours...5
- Lés Aéroplanes...6
- Lés Automobiles...7
- Le Vieù brjhàe... 8